

崔舍人玉堂類藁

崔舍人玉堂類藁卷第十一

青詞表疏

建康府開啓天申聖節道場青詞

恩厚慈尊已極四方之養慶逢誕節爰祈萬壽之休
涓以令辰卽茲勝地啓瓊科於祕洞肅飈御於嘉壇
祇達精衷丕延景福

滿散朱表

慈闈紀慶適臨朱夏之辰仙洞延真恭徹紫虛之鑒
祇循祕典迄就冲儀具殫欽翼之誠茂介壽康之祉

太一宮 太上皇帝丁亥本命青詞

慶承慈養方形孝治之風序屆朱明適協命元之紀
具嚴祕館祗祓清壇按三洞之真科下九天之僊御
庶回冲鑒永錫純禧

滿散朱表

奉真僊館旣備罄於丹誠集祐親闈當永依於慈覆
錫茲介福延及羣生

太一宮 太上皇帝丁亥本命青詞

慶集慈闈方極敷天之養氣回素籥適臨元命之辰
繹妙本於靈函啓真科於祕洞具嚴冲式茂介純禧
益增方至之休永芘重明之運

蒲散朱表

慈極居尊屬推辰於命紀殊官按式茲訖事於仙儀
仰祈保右之休滋錫厯洪之福

太一宮 壽聖明慈太上皇后生辰青詞

宸闡致養方祇事於母儀寶曆標祥適載臨於誕節
祓除祕館宣演真筌恭憑清淨之緣仰助壽康之福
後天難老應地無疆

滿散朱表

敷科真館祇勤頌禱之誠介壽慈闈具徹高明之鑒
仍回丕祐普及函生

萬壽觀開啓會聖節道場青詞

冬律道寒適協旣盈之月
皇圖衍慶爰當載夙之辰
卽靈宇之深嚴闢嘉壇之
虛靜繹宜祕典延降高真
仰祈眷顧之休俯錫厯鴻
之福

滿散朱表

節臨初度具殫徼福之誠
教演殊官茲畢延真之會
永孚善應宏覆昌圖

太一宮開啓會慶節靈寶道場青詞

發祥初度莫酬慈德之勞
薦信上圓具繹沖科之蘊
峙神光於煥幄肅颺馭於
瑤壇孚格靈觀道迎景福

竝受四方之養永膺萬壽之符

滿散朱表

慶源流衍紀甲觀之初辰仙宇邃嚴畢丹臺之法會
更資介福普及寰區

建康府開啓會慶聖節道場青詞

陽月就盈適臨初度殊廷款聖具輯冲儀啓雲笈之
靈篇旅霞餐之淨供道迎清御降集純休永膺難老
之期誕保無疆之業上偕親壽下底民生

滿散朱表

冲科具舉熙事迄成荷靈鑒之降觀企真旂之旋邁

益蕃盛福丕乂烝民

建康府會慶聖節道場青詞

祇荷慈謀紹膺丕統適協旣盈之月甫臨載誕之辰
恭卽仙區預嚴祕宇集茲科式燕格高靈期以精誠
道迎景福庶延休於非德更均佑於函生

滿散朱表

震夙之辰適當良月神仙之宅是有殊宮嘗祇祓於
齋衷俾具陳於法會肅延真馭昭格靈觀仰祈介壽
於雙親俯冀降康於萬國默依道蔭永御邦圖

萬壽觀 太上皇帝丁亥本命青詞

慈極承顏備敷天之大養清臺驗曆著元命之初辰
爰卽仙區具循沖式範玉京之芳獻演藥笈之真筌
鋪薦丹誠道迎景福

滿散朱表

日環命紀方介壽於慈親事訖仙儀已殫誠於大道
仰祈沖鑒永錫繁禧

萬壽觀 太上皇帝本命青詞

祇奉慈顏躬修孝養屬按清臺之曆適當元命之辰
爰祓仙區俾遵道式肅瑤壇而集供啓瓊笈以繡文
仰冀衆真永綏多福

滿散朱表

迎休慈極敷式仙宮已熙事之備成維冊誠之昭達
更回丕貺均逮羣生

青詞

地嚴祕宇館寓真旂向以加修嘗慮工徒之瀆今茲
告備復祈威像之臨爰卽仙區具循沖典冀竝膺於
休福仍均祐於函生

滿散朱表

仙館載新方妥寧於歟御真科具舉已敷達於忱誠

仰祈有赫之觀丕錫無疆之福

萬壽觀 太上皇帝丁亥本命青詞

祇奉慈顏躬修至養屬陽春之季月紀元命之嘉辰
爰卽仙宮敷陳於醺席庶通誠意延佇於飈旂仰資
沖靜之緣茂介康寧之福

滿散朱表

按籙殊廷薦恭羣位辭無祕祝維介壽於慈親事及
休成益歸誠於元造

萬壽觀開啓天申聖節道場青詞

薰風阜物協炎祚之重明祥電繞樞紀慈庭之初度

恭循道式祗厥仙區詠雲極之空歌範霄晨之芳供
具敷誠緼昭格天真翼垂眷佑之休永錫壽昌之福

滿散朱表

祗脩孝養欣臨震夙之辰虔介壽祺具徹高明之鑒
更回丕佑永芘熙圖

萬壽觀 太上皇帝丁亥本命青詞

天人祐助光開壽貺之符日月推移環次命元之紀
卽飈旂之靖館集羽禡之勝流參按冲儀敷陳芳供
庶薦恭於霄極益介福於親庭

滿散朱表

誠意昭通具徹九清之監慶祥純錫永膺萬壽之期
施及羣生賴茲景福

萬壽觀 太上皇帝丁亥本命青詞

祇奉親顏躬脩子道八月載績揆元命以端辰萬壽
無疆祚精衷而致禱虔卽具旂之館具陳祕籙之儀
仰冀博臨永垂孚佑

滿散朱表

介慈慈庭歸誠霄極靈娛昭答熙事備成采碑頌禱
之誠重達高明之聽

太一宮 壽聖齊明廣慈太上皇后生辰青

詞

風依道蔭祇奉母儀瀨氣澄空方協霄星之象嘉祥
紀旦載臨夢月之辰爰卽仙宮具遵沖式陳層晨之
芳供詠祕笈之空歌虔冀高真永綏景福安享綿區
之養常齊慈極之尊

蒲散朱表

祥開沙麓序當萬寶之成事歲琳宮誠徹九清之遠
重祈元造永介繁禧

明堂大禮前於天慶觀開啓預告道場青詞
荷天丕序適當三歲之常稽古彌文肇講九筵之饗

預循國典祇卽仙宮演祕洞之真科下層晨之法御
庶蒙靈右終舉上儀

萬壽觀 太上皇帝丁亥本命青詞

慶集慈親方享殊庭之養時標陽月適臨元命之辰
恭卽仙區具遵冲式瞻晬容於煩座款真馭於嘉壇
仰冀應誠永垂介福

滿散朱表

承顏順志益恭子職之修佑福兆祥更衍天休之至
逖瞻虛極傾薦丹衷

明堂大禮畢告謝青詞

精卜商辰躬祠世室鳴鑾宿廟積雨夕收端冕升堂
美光夜見荷純休之丕應迄熙事之備成祇卽仙宮
具敷道式庸達齋明之意庶酬眷佑之恩

滿散朱表

合宮宗祀當盛禮之時行嘉應駢臻豈眇躬之能饗
肅蠲淨宇祇按沖儀咸薦丹誠具聞衆聖誓永依於
大道冀純佑於丕基

太一宮開啓會慶聖節道場青詞

祇承親訓寅奉邦圖天開震風之辰適肇臨於寒籥
人介蕃昌之福敢專有於眇躬夙啓清筵具陳芳供

庶上迎於丕貺悉下集於慈庭欽布丹衷默□冲鑒

滿散朱表

陽月肇寒適紀始生之度仙儀介福度酬慈育之恩
旣訖事於清壇益歸誠於大道

建康府啟建會慶聖節道場青詞

純貺開先適臨初度輿情歸美是紀良辰瞻勾曲之
靈峯啟神仙之真館敷陳道式延降飈旂仰祈親壽
之綿長俯冀民生之康阜更廻丕祐遂集眇躬九功
之德可歌諸福之物畢至

滿散朱表

就盈之月天肇啓於昌期愛上之情人悉歸於景□
敢因衆志仍達丹誠按瓊簡之眞筌延霞旌之仙御
肅祈丕況永保熙圖茲甫及於休成益虔歸於元造
萬壽觀開啓會慶聖節道場青詞

長發其祥協明昌之休誕彌厥月紀震風之初辰
祇按冲儀肅涓靖宇像霄晨之芳供誦藥笈之靈章
鋪薦誠忱順迎福况庶依承於道蔭益保乂於邦圖
滿散朱表

純誠上達熙事備成敢專福於眇躬實同休於庶俗
茂膺降鑒益厲齋明

萬壽觀 太上皇帝丁亥本命青詞

躬修至德祇奉慈庭元命標適辰履隆冬之序具科
按式具殫善禱之誠旅芳供於清壇瞻睟容於煥座
虔祈孚鑒丕錫純祺茂膺萬壽之期永享四方之養
滿散朱表

高真御座衆聖環筵旣祇荷於博臨庶永綏於景福
傾瞻虛境敷露齋衷

皇帝進奉 壽聖明慈太上皇后生辰功德
疏文

恩重母儀適紀誕彌之旦誠修子道莫酬厚載之□

祇輯眞筌虔伸善頌萬祥川至百祿岡崇永□□□
之休上偕慈極安享壽康之祉下庇函生

皇帝進奉 壽聖明慈太上皇后生辰表詞
序臨商籥浮瀨氣於良辰慶集慈闈紀休祥於初度
禮行廣內歡溢綿區渭水興周塗山翼夏坤儀□正
風推恭儉之風帝所清虛竝受安榮之養靜觀妙道
茂介純禧臣嗣守丕基欣逢令旦虔致寶香之祝恭
延壽筭之昌

崔舍人玉堂類藁卷第十二

青詞表疏

萬壽觀 太上皇帝丁亥本命青詞

慈庭養志慶方集於昌辰仙簡標符祥實開於元命
敢因良日祇卽殊宮啓雲笈之靈篇肅霞旌之真御
虔祈昭鑒丕錫純禧獨觀衆妙之門永享萬年之福
滿散朱表

延真祕宇介壽慈親熙事涓成丹誠敷達更道迎於
景貺益孚佑於昌圖

臨安府仲春就吳山忠壯英烈威顯王廟設

王學集卷之二十一
醺青詞

天開行闕地據洪流眷民俗之奠居慮波濤之密邇
考唐人之賦雖陽散而當微問吳土之宜乃春中而
特大爰循彝典祇卽靈祠繡霞觀之冲科款雲輶之
真御敢祈聰監丕錫順祥汔銷暴溢之虞永享安寧
之福

建康府茅山崇禧觀開啓天申節道場青詞
紹隆熙運祇奉慈庭游於物初正協道心之適養以
天下方修子職之恭屬當彌月之辰爰卽羣仙之會
旅延飈御參繹雲章仰祈有赫之觀俯錫無疆之祐

獨高帝壽永覆邦圖

滿散朱表

頤神養性方觀衆妙之門
儲祉發祥式紀千齡之運
祇因盛節具飭冲儀詠金簡之靈篇
啓玉京之清會
丹衷敷達熙事休成益傾頌禱之誠
永介壽昌之福
萬壽觀開啓天申節道場青詞

日永仲夏適開載風之祥
天生真人誕啓中興之運
屬當盛旦祇卽殊宮
旅芳獻於嘉壇佇神光於煥座
敷陳冲式諷誦靈章
恭俟鑒觀永垂孚佑
業六經而
德旣超邁於前聞
參萬歲而成純更丕延於景福

滿散朱表

星樞感瑞方肇紀於昌辰霞觀延真已具殫於誠蘊
肅迎丕貺駢集慈庭更回有衍之祥永輔無疆之曆
萬壽觀 太上皇帝丁亥本命道場青詞

頤神養性方高蹈於殊庭介福迎祥宜率循於祕籙
茲履清秋之序適臨元命之辰祇祓仙宮具嚴勝會
佇神光於煥座演冲教於琅函仰冀博臨俯垂敷佑
茂享無疆之壽永扶不拔之基

滿散朱表

凝款丹晨薦恭羣位福祥繁會方下集於慈庭仗御

裴回當遘歸於霄極默懷監謫益罄齋明

臨安府仲秋醮祭吳山忠壯英烈威顯王青

詞

長江設險靈淑隨時山立海門折湍流而奔會月臨
秋籥挾陰慝以暴興祇卽名祠敬遵沖式延九清之
法御啓三洞之真筌伏願約束波臣鎮安地紀舳艫
千里永消習坎之虞煙火萬家咸獲奠居之福

天慶觀報恩光孝觀青詞

旱魃爲虐遂連夏秋黎民阻饑當在旦夕方竭吁嗟
之請庶消并隔之災爰露丹誠重千沖鑒□默□於

□應卽垂賜於嘉休三日成霖儻早沾於□潤百穀
就實尚可冀於豐登

太乙宮 壽聖齊明廣慈太上皇后生辰青

詞

玉管吹商正九秋之清序瑤臺夢月慶千載之嘉辰
祇命羽流具嚴仙宇下霄晨之法御啓藥笈之真筌
仰冀鑒臨俯垂孚佑壽同慈極旣齊箕翼之長福燕
後昆更閱雲來之盛

滿散朱表

躬修子職祇奉親顏適標玉勝之期具藏金科之式

福流慶衍當均被於羣生事畢功宏益虔歸於大道
萬壽觀純福殿開啟安奉 太上皇帝

今上皇帝本命相屬星官位牌青詞

祇飭殊宮欽崇大道量功慮事嘗圖輪奐之新揭虔
受靈爰肅威神之下敢涓良日卽啟嘉壇演祕籙於
琅函瞻睟容於煥座仰祈昭鑒俯錫善祥介眉壽於
親庭洽太和於海宇益肩精意永迪淵崇

滿散朱表

道妙無方高設清真之御命生有本環分主衛之神
茲竝妥於沖旂已畢成於熙事永懷福貺□□齋明

萬壽觀申乞撰會慶聖節道場青詞

欽承慈蔭紹履丕圖長發其祥仰識儲休之自誕彌
厥月敢專微福之私祇卽仙宮肅遵科式像九霄之
淨供詠三洞之靈篇延佇冲旂道迎景福上介雙親
之眉壽下祈萬國之丕平永竭丹衷默依大道

滿散朱表

冲儀修舉靈鑒孚通雲景杳冥行返三清之馭福基
堅固當膺百順之休益罄純誠庶承景福

太乙宮申乞撰開啓會慶聖節道場青詞

月旅冬權時臨誕節上祇天命思茂介於純嘏下愧

民情念曷當於善祝肅涓靖館鋪按冲儀陳芝茹之
芳華啟雲篇之隱奧仰紆清御俯鑒丹衷錫親壽之
洪長畀民生之康泰庶依景貺益固熙圖

滿散朱表

震夙標辰思道迎於景福潔蠲脩薦用凝欸於高真
既成三洞之儀遂返九清之御傾瞻空極敷聲明誠
建康府茅山崇禱觀啓建會慶聖節道場青

詞

純乾旅月天開震夙之符華渚標辰人頌壽昌之福
靜循菲德茂對宏休按藥笈之真筌卽洞天之勝地

敷陳淨供錦兜冲儀肅仙馭於璿霄望睟容於寶座
虔祈丕佑永茂熙圖

滿散朱表

冬簫道寒適協既盈之月皇家紀慶環臨載誕之辰
望形勢之名都想神仙之奧宅祇循祕式虔祓嘉壇
誦三洞之靈篇範九霄之芳獻涓成勝事降集丕休
益堅兢畏之心永迓厯鴻之福

天慶觀報恩光孝觀青詞

大道無私高出範圍之表至誠有感默通精祕之間
此以驕陽浸成重霄傾翰於丹悃庶順道於嘉祥

帝闕九關飛章既達王畿千里沛澤遂周實祇荷於
靈休敢肅修於報禮更期鑒佑永底平康

萬壽觀 太上皇帝丁亥本命道場青詞

虞侍慈顏備極四方之養欽崇元命昭延萬壽之期
按藥笈之靈章陳玉京之芳供普紆清御徧扣高真
冀竝介於親祺俾永修於子道

滿散朱表

親壽無疆高蹈殊庭之逸福基有始具遵祕籙之儀
既訖事於嘉壇益傾誠於元造

萬壽觀 太上皇帝丁亥本命青詞

尊崇慈父世形孝治之風考按靈篇日次命元之紀
式因穀旦祇卽殊宮肅絳節之眞旂宜珉函之妙典
虔祈道芘垂佑親庭擁百祥順備之休享萬國安榮
之養

滿散朱表

誠修子道已殫頌禱之辭教闡仙宮諒達高明之鑒
旣成熙事益厲丹衷

萬壽觀 太上皇帝丁亥本命道場青詞

天錫祺祥方樂大庭之養日環次舍適臨元命之辰
祇卽殊宮肅遵祕典陳霄晨之淨供詠雲笈之靈章

鋪薦誠忱款凝仙御丕集九清之貺永延萬壽之期

滿散朱表

虔修子道虞奉親顏歸誠衆妙之門邀福列仙之館
仰祈丕佑俯鑒丹衷

萬壽觀申撰開啓天申聖節道場青詞

慈極居尊方享安榮之養炎衡紀序適開震夙之辰
祇卽殊宮虔遵祕典陳玉京之芳供詠琅簡之空歌
聲露誠衷敷聞聰鑒丕集九疇之福永增萬壽之期
滿散朱表

迎祥祕宇方勝事之熙成介壽慈親已純誠之上達

更祈丕佑永輔昌圖

太乙宮 太上皇帝丁亥本命青詞

親壽綿長擁純休而方盛福基肇啓推定命以有先
爰集羽流肅遵科式演靈章於瓊笈陳芳供於瑤壇
仰冀鑒臨俯垂孚佑益介無疆之筭永扶不拔之基
滿散朱表

翰誠以禱迎嘉應於親庭畢事而旋企睟容於天路
更祈道蔭益茂民生

太乙宮開啓天申聖節道場青詞

欽承丕緒祇奉慈親彌月肇祥適契盛明之會殊宮

介福具遵虛靜之儀瓊章敷三洞之音玉節駐九霄
之仗懇祈靈顧降集善祥益增萬壽之期永享四方
之養

滿散朱表

高聽下臨純誠上達福祥川至已駢會於慈庭仗御
雲行當遡歸於霄極更祈靈顧益鑒丹衷

皇帝進奉 太上皇后生辰表詞

金行屈節澄灝氣於圓霄玉勝標辰啓嘉祥於慈闈
敢殫善頌用達歡悰伏願玩意希微怡神淵靜尊榮
儼極永觀漢殿之朝慈儉流風普洽周家之化臣躬

修至養欣際昌期爰持一瓣之香庸致萬年之祝

皇帝進奉 太上皇后生辰功德

母道尊崇式紀發祥之旦仙宮虛靜具修介祉之儀
伏願福海淵深壽山堅固上齊乾父超高厚以無疆
下閱雲孫曼來仍而未老

太乙宮 太上皇后生辰青詞

孝奉慈闈方極尊榮之養涼生清管適符誕育之期
祇祓仙宮肅遵道式發雲章於瓊笈下風御於璿霄
仰冀鑒臨俯垂孚佑壽齊聖父八千歲以爲秋福蔭
皇圖七百年而過曆

滿散朱表

祥開沙麓鍾母範於良辰教闡殊宮款颺旂於清夜
虔祈冲鑒丕錫順祺適臨竣事之期更露由衷之悃
萬壽觀會慶節道場青詞

霜律肇寒適紀發祥之序星冠按式具修介福之儀
陳美薦於嘉壇款眞旂於煥座仰回淵鑒俯照丹衷
上延親壽之綿長下芘民生之康阜更祈涼德永保
熙圖

滿散朱表

殊宮宏璉已迎百順之祥雲路繽紛行返九霄之御

益碑誠禱更俟鑒觀

崔舍人玉堂類藁第卷十二

崔舍人玉堂類藁卷第十三

口宣

曾懷除右丞相賜告口宣

卿才智俱優暫違宰位譏誣既釋盍返台階綸告往
頒趣宜祇受

楊倓除靖海軍節度使賜告口宣

卿飛華禁路濟美勲門爰陞將鉞之崇式獎事功之
盛往頒綸告宜卽欽承

楊倓上表再辭免除靖海軍節度使簽書樞
密院事不允仍斷來章批答口宣

卿久踐禁途風優賢績茲晉登於樞筦仍宏建於齋
旄溫詔趣承毋庸重請

曾覲上表再辭免除開府儀同三司不允仍
斷來章披荅口宣

卿蚤事初潛荐更要任誕頒恩命晉視台司宜卽欽
承毋庸重請

曹勛除開府儀同三司賜告口宣

卿歷更四朝躬秉一德茲錫斯廷之命俾參公府之
儀實出朕衷往其祗服

撫問新除參知政事鄭聞到闕并賜銀合茶

藥口宜

卿進還舊位行底脩門方欽竚於嘉猶諒笨多於勞
役特推寵錫仍諭眷懷

金國賀會慶聖節使人到闕回程賜龍鳳茶
并金鑲銀合口宜

卿等拭玉成儀祖車問道屬寒風之淒厲正行役之
悠長爰錫珍芳用資和嗇

賜殿前司滿散會慶聖節道場乳香口宜

卿等密護宸巖欣逢誕節悉率三軍之士虔祈萬壽
之符特錫名香用昭善意

賜樞密院官滿散會慶聖節道場乳香口宣
卿參陪宥密展効忠勤逢甲觀之初辰脩寶坊之勝
會爰頒薰馥式助精虔

樞密院官赴貢院齋筵賜酒果口宣

霜籥司辰電樞紀節肆啓鈞臺之會竝延武服之賢
維實及醪寵頒其受

賜步軍司滿散會慶聖節道場乳香口宣

卿等典司禁旅拱護宸嚴適逢震夙之辰竝祝厖鴻
之福推予嘉錫迪爾精衷

賜皇太子府滿散會慶聖節道場乳香口宣

卿端居儲位欣際誕辰具殫誠意之勤申祝壽祺之
永錫茲異馥侑爾至虔

撫問皇子魏王愷到闕并賜金合茶藥口宣
卿祇會誕辰暫違藩服適風霜之初厲諒道路之多
勤加致匪頒就將勞問

金國賀會慶聖節使人回程平江府賜御筵
口宣

卿等言旋使傳已屆吳門肆啓初筵用昭眷遇少休
濡轡庶遂從容

赤岸賜御筵口宣

卿等言辭魏闕甫出都門當行色之云初悵使華之
遂遠少留近館特啓芳筵

鎮江府賜御筵口宣

卿等驩成聘禮廻次江城載馳載驅諒多勞役旣嘉
旣旨少示眷懷

盱眙軍賜御筵口宣

卿等修成無爽畢事言還卽候館以載休邇淮流而
將邁特頒燕衍少遂遲留

赤岸賜酒果口宣

卿等總轡登塗抗旌歸國自茲跋履良念賢勞厥有

旨芳是將眷遇

玉津園射弓賜酒果口宣

卿等遊于芳園樂此終日旣協和容之度益觀命的
之能爰有匪頒庶資宴喜

朝辭訖歸驛賜御筵口宣

卿奉將慶幣祇會誕辰維其令儀汔此成禮旋卽賓
郵之適肆頒燕俎之豐

朝辭訖歸驛賜酒果口宣

卿等入辭宸陛歸鴻賓郵念惟將事之勤行及騰裝
之邁特推寵錫俾侑宴私

金國使人到闕玉津園賜御筵口宣

卿等朝儀旣畢使事方休聊從禁苑之遊肆講射侯之樂特頒慈燕用洽嘉歡

玉津園射弓賜例物口宣

射侯旣設樂節斯行各奏爾能罔愆于禮式示便蕃之寵用旌審固之容

賜宰執已下喜雪御筵口宣

嚴籥凝寒飛花應瑞已銷疫癘之氣仍兆豐登之期爰致匪頒庶均宴喜

皇太子魏王愷再辭免除改判明州不允批

答口宣

卿來朝宸陛改鎮价藩匪出私恩是崇國體已加伸諭宜卽祇承

撫問奉使金國報聘使副張子顏等到闕并賜銀合茶藥口宣

卿等言遡使傳已屆都門屬時序之方寒諒道塗之多勤特推賜式庸示眷懷

金國賀正且使人赴闕盱眙軍傳宜撫問并賜御筵口宣

卿等遠馳使傳祇會春朝已甫達於封疆爰特頒於

燕豆仍加勞問庸示眷懷

平江府賜御筵口宣

卿等銜命修盟馳車在道方少休於近輔宜就錫於
初筵用慰勤勞庶昭眷遇

鎮江府賜銀合茶藥口宣

卿等奉將慶問行次近州眷言跋履之勞盍有綏調
之助靈芽良劑爲賜宜承

鎮江府賜御筵口宣

卿等肅持慶禮申講歡盟方匱薄於中塗適鵠寧於
外館就頒燕席聊拂征塵

赤岸賜御筵口宣

卿等竝馳華轡甫屆近郊念行役之多勤屬實郵之少適特頒慈燕庸示眷懷

赤岸賜酒果口宣

卿等張旌長道解轡近郵諒惟跋履之勞爰有旨嘉之賜庶資燕喜宜體眷懷

葉衡上表再辭免除右丞相不允批荅口宣
卿懿德邁倫通材周變比疇宿望晉陟台司已協僉
俞趣宜祇服

葉衡上表再辭免除右丞相不允仍斷來章

批答口宣

卿才周物表識洞幾先茲晉陟於台司將盡施於賢
縕趣宜祇拜毋復多陳

李彥穎上表再辭免除端明殿學士簽書樞
密院事恩命不允仍斷來章批答口宣

卿秉義醇正受材高明茲稽協於僉僉俾晉陪於宥
晝卽宜祇拜毋復多陳

葉衡轉官加恩賜告口宣

登進成書優崇懿績渙此大廷之命賚于端揆之臣
尚體眷懷卽宜祇服

金國賀正且使人到闕賜被褥鈔羅等口宜
卿等奉將慶儀寧處賓館宜有衾褥之適亦資器用
之良竝致分頒式昭眷遇

十二月三十日賜內中酒果口宜

時令將新歲華茲暮諒旅懷之多感宜眷意之加隆
維實及醪賜從內府

正月一日入賀畢歸驛賜御筵口宜

卿等祇修慶問甫畢朝儀旣具閱於恭勤爰優加於
禮遇專馳近侍卽啓芳筵

正月一日入賀畢歸驛賜酒果口宜

卿等入慶會朝退安次舍爰致芳甘之實仍分嘉旨之醪竝洽殊私庶資良集

正月三日賜內中酒果口宣

四序更端三朝紀節爰念使郵之適宜推賜式之豐
嘉實芳醪往宜祇受

皇太子滿散會慶聖節道場乳香口宣

卿位處儲宮時逢誕節申祝壽祺之永具殫誠意之
勤爰錫名香用資善禱

賜三省官滿散會慶聖節道場乳香口宣

卿等欣逢誕節祇率采條集梵宇之勝緣介宸居之

備福異香是錫眷意宜承

賜樞密院滿散會慶聖節道場乳香口宣
卿等職重本兵誠深報上因誕辰而協慶卽梵苑以
祈休爰錫名香用孚至意

賜殿前司滿散會慶聖節道場乳香口宣
卿等董戎禁旅協慶誕辰悉輸頌禱之誠虔介壽昌
之福推予嘉錫侑爾精衷

賜馬軍司滿散會慶聖節道場乳香口宣
卿等義存歸美志篤輸忠因誕節之戒辰卽寶坊而
獻福香維達意賜以昭誠

賜步軍司滿散會慶聖節道場乳香口宣

卿等典司驍衛拱護嚴宸欣逢震夙之辰同祝厖鴻之筭宜加頒賚用助精虔

金國賀會慶聖節使人到闕賜被褥鈔羅等口宣

卿等奉將使命協慶誕辰興懷優渥之初圖便燕私之適爰推頒賚宜卽欽承

回程賜使副冬至節綃口宣

卿等奉書修慶訖事言還適陽律之方萌諒征途之正凜善繼往錫至意宜承

賜三節人從冬至節綰口宣

汝等竝將使事適履天正風霜多寒道路良苦爰資
安煥之用式慰逶遲之勤

赤岸賜御筵口宣

卿等祇成慶禮適卽歸途宜少駐於近郊俾就陳於
祖帳用昭眷遇亦慰勤勞

使人到闕在驛賜生餽口宣

卿等偃息驂駟憩寧館舍特戒使璫之遣往頒禮餽
之豐維厚寵私卽宜欽承

玉津園射弓賜御筵口宣

卿等使華多暇禁苑言遊聞弓矢之斯調諒威儀之有則宜加燕勞用表眷懷

賜三省官滿散天申聖節道場乳香口宣

炎簫告中璿樞紀瑞悉率官僚之衆竝祈聖壽之延亮乃勤誠往茲嘉錫

賜三省官齋筵酒果口宣

時臨誕聖禮厚肆筵當暑氣之方清諒歡心之正洽嘉肴旨酒併以示慈

賜步軍司滿散天申聖節道場乳香口宣

卿典司禁旅際會誕辰率軍士之歡情祝聖神之壽

社爰加頒賚庶助精虔

賜馬軍司滿散天申聖節道場乳香口宣

薰琴御令祥渚標辰慶符千載之期歡動三軍之衆
爰頒寶馥俾達誠忱

賜殿前司滿散天申聖節道場乳香口宣

密護周廬欣逢誕節悉率三軍之衆虔祈萬壽之休
爰錫名香俾通誠意

明堂大禮禮畢宜勞將士口宣

卿等肅共武服典護嚴宸逮茲祀事之成多爾戎昭
之助竝加眷撫式慰忠勤

右丞相趙雄上表再辭免勅令所修進一州
一路酬賞轉一官加恩恩命不允批答口宣
卿總率衆職辨章萬微茲疇定令之勤乃下進階之
命是惟故典豈必牢辭

參知政事錢良臣上表再辭免勅令所修進
一州一路酬賞轉一官加恩恩命不允批答
口宣

章程明備憲令端平旣通變以可行乃議勞而自近
已頒成命難徇謙懷

趙雄特授宣奉大夫依前右丞相魯郡開國

公加食邑賜告口宣

嚴修賞式丕勸外邦時予鈞軸之臣就此簡編之績
茲頒茂典宜服明恩

趙雄上表再辭免祕書省進呈會要了畢提
舉官特轉兩官依例加恩恩命不允批答口
宣

卿賢福被民儒猷經國茲渙絲綸之寵庶酬翰墨之
功典實有初命維無返

錢良臣上表再辭免祕書省進呈會要了畢
禮儀使特轉兩官加恩恩命不允口宣

汗簡告成涓辰登進茂對亨嘉之會畢陳祿盛之容
既藉總提可無褒賞

王淮再上表辭免提舉經修會要特轉一官
恩命不允斷章批答口宣

登進成書推加茂典一進階而示寵三抗奏以陳辭
成命卽行多言無益

史浩上表辭免已進會要經修不經進轉官
令回授恩命不允批答口宣

書成英館賞逮元臣既從酌損之規猶守勞謙之美
是爲已過奚復可從

撫問金國賀會慶聖節使人赴闕盱眙軍賜
御筵口宣

卿等遠持慶禮祇會誕辰念甫越於邊疆俾就頒於
燕席式昭眷遇庸慰勤勞

赤岸賜酒果口宣

卿等祇飭使車遠將邦禮望都門而伊邇卽郊館以
少留爰致恩頒庶資燕會

賜史浩告口宣

宗祀合宮熙成慶事茲推頒於惠澤首商賚於耆臣
宜服□章益綏壽福

賜曾覲告口宣

歲事閔筵布釐庶位乃眷耆明之彥宜優慶賚之章
茲錫恩綸是均餞福

賜鄭藻告口宣

事畢崇堂恩覃列位茲輯神釐之澤遂優戚畹之賢
宜服寵榮益綏壽豈

賜皇太子滿散會慶聖節道場乳香口宣

卿位正儲宮時當誕序益厚君親之愛悉裒仙梵之
因爰錫名香用孚至意

賜三省官滿散會慶聖節道場乳香口宣

卿等欣逢誕節悉率采僚効嵩嶽以輸誠卽梵宮而
營福爰頒異馥庶助精虔

賜樞密院官滿散會慶聖節道場乳香口宣
卿等經武地嚴愛君志厚因祥樞之紀序卽佛宇以
輸誠宜錫名芬俾資善禱

賜殿前司滿散會慶聖節道場乳香口宣
卿等宜勞武服典護巖除欣逢載誕之辰虔祝無疆
之壽爰頒異馥庶達精誠

賜馬軍司滿散會慶聖節道場乳香口宣

□□□□精騎拱護嚴宸逢誕節以輸誠卽寶坊而

介福爰頒香炷庶助齋衷

賜步軍司滿散會慶聖節道場乳香口宣
卿等總提勁旅嚴衛明庭畢殫愛上之誠咸祝後天
之福宜推嘉錫俾侑精虔